

# Երբ ամեն բան կախուած է լինում իր թելերից

Կիրակի, 21 Հունիսի 2015 09:40



Սրանից մէկ ամիս առաջ էր, երբ «Խամաճիկ» տիկնիկային թատերախումբը Պոլտաւայից տունդարձի օդային ճանապարհին՝ երկինք բարձրանալու նոր առիթ ունեցաւ: Առիթը՝ փառատօնի փակման հանդիսութեանը խմբի բացակայութեան ժամանակ մրցանակային անւանակարգում յայտնուելն էր, որտեղ հնարամիտ կատարման համար խումբն արժանացաւ՝ դիպլոմ-մրցանակի:

## **Զրոյց «Խամաճիկ» տիկնիկային թատերախմբի դերակատար՝ Ադդէ Բեգիջանեանի հետ**

*Սրանից մէկ ամիս առաջ էր, երբ «Խամաճիկ» տիկնիկային թատերախումբը Պոլտաւայից տունդարձի օդային ճանապարհին՝ երկինք բարձրանալու նոր առիթ ունեցաւ: Առիթը՝ փառատօնի փակման հանդիսութեանը խմբի բացակայութեան ժամանակ մրցանակային անւանակարգում յայտնուելն էր, որտեղ հնարամիտ կատարման համար խումբն արժանացաւ՝ դիպլոմ-մրցանակի:*

*Սա իր տեսակի մէջ արդէն երկրորդ միջազգային մրցանակն է, ինչ*

«Խամաճիկ»-ը տուն է բերում Իրանի դրոշի ներքոյ: Առաջինը Հայաստանի Դեսեդի «ԻԻՆԻՄԱ»-ինն էր, իսկ երկրորդը՝ Ուկրայինայի Պոլտավա քաղաքի անունը կրող «Զմիւռնիա Բշլիա»-ինը: Սա ընդամենը առիթ էր գրուցելու խմբի գլխավոր ղեկավար՝ Ալբերտ Բեգիջանեանի եւ իր որդու՝ Ադդէի հետ, ով նաեւ հանդիսանում է որպէս «Մարշալու» ներկայացման մենակատարը: Ի դէպ, հէնց նոյն այս ներկայացմամբ էլ խմբին յաջողեց հանգրւանել Պոլտավայի վերելքներում: Զրոյցը փառատօնի պատմութիւններից անցաւ անկախ խմբերի գլխին կախուած ֆինանսական խնդիրների, ինչպէս նաեւ հովանաւորներ գտնելու գործի բարդոյթներին: Իրավիճակ, որի ուղղութեամբ կարծես թէ չկայ համայնքային մասշտաբներով լուծումը տեսնելու յստակ մօտեցում: «Այնուամենայնիւ իւրաքանչիւր գործ ունի իր սկիզբը», - այս մասին նշելով ասում է Ալբերտը յոյս յայտնելով, որ այս սկզբնաւորուող սաղմը դեռ աճելու եւ յոյս աշխարհ գալու հնարաւորութիւն կունենայ: Յատկանշական է, որ Ադդէ Բեգիջանեանը 14 տարեկան է, եւ սովորում է «Մարիամ» հաստատութեան միջնակարգ օղակի առաջին բաժնում:

- Ես հէնց սկզբից դժուարացայ Պոլտավայի տիկնիկային փառատօնի անունը արտասանել: Ինչ է նշանակում՝ «ԶՄԻՒՌՆԻԱ ԻՇԼԻԱ»-ն տանտէրերի՝ այսինքն ուկրայնացիների լեզուով: Ալբերտ Բեգիջանեան- Անկեղծ ասած ես էլ չգիտեմ: Դա փառատօնի անունն էր, որը ոչ մի անգամ չհնչեց որեւէ մէկի լեզուից: Բոլորը փառատօնը ճանաչում էին հիւրընկալ քաղաքի՝ Պոլտավայի անունով:

- Դուք ճանաչում էք նաեւ որպէս Հայաստանի ՀԱՅՖԵՍՏ-ի եւ ԻԻՆԻՄԱ-ի ներկայացուցիչը Թեհրանում: Հետեւութիւն անելով այն բանից, որ իրանական խմբերը յաճախ Հայաստանի ՀԱՅՖԵՍՏ-ում երեւալուց յետոյ է, որ հնարաւորութիւն են ստացել դուրս գալու միջազգային բեմեր, ճի շտ կը լինի արդեօք ասել, որ իրանական խմբերի համար Հայաստանի փառատօները ծառայում են որպէս թռիչքուղի:

- Չէի ասի որ բոլորի համար է այդպէս եղել, միեւնոյն ժամանակ արձանագրելով, որ քիչ չեն այն խմբերը կամ նոյնիսկ թատերական լուսանկարիչները, ում՝ ՀԱՅՖԵՍՏ-ն ու ԻԻՆԻՄԱ-ն ծառայել են, որպէս այդպիսին: Անուններ չտամ, բայց բարեբախտաբար մինչ օրս նրանք ամենուր նշում են ՀԱՅՖԵՍՏ-ի կարեւորութեան մասին:

- Հետաքրքիր է այն փաստը, որ նոյնիսկ ձեր խմբի՝ «Խամաճիկ»-ի դէպքում

*նոյնն եղաւ: Այսինքն ներկայանալով Հայաստանի ԻԻՆԻՄՍ փառատօնին, այն նկատուեց ուկրայնական ներկայացուցիչների կողմից... Այբերտ- Ճիշտ այդպէս: Միջազգային փառատօները ծառայում են միմեանց որպէս ճանաչում ձեռք բերելու հարթակ... դա ինչ որ չափով նաեւ օրինաչափութիւն է... Բհարկէ, «Խամաճիկ»-ը Դսեղում միանգամից նկատուեց ժիւրիների կազմում հանդէս եկած ուկրայնացի փորձագետի կողմից, որից յետոյ էր, որ ստացուեց այդ անակնկալ հրաւերը:*

*- Պոլտաւա մեկնելու համար գտա՞ք արդեօք հովանաւորներ: Եւ առհասարակ ի՞նչպէս է լուծուում փառատօներին մասնակցելու ընթացիկ ծախսերի խնդիրը:*  
*Այբերտ- Յաւօք ո՛չ: Չգտնուեցին հովանաւորներ: Չգիտեմ ո՞նց պէտք է արձագանգել այս ամենին, բայց չէ-որ Իրանը ներկայացնող եւ մրցանակի արժանացած խումբը՝ այս դէպքում հայկական էր: Ու եթէ սա չի ներառուում մշակութային առումներով անհրաժեշտութիւն համարող դուրս գրող ծախսերի ու ծրագրերի մէջ, ապա միայն կարելի է ցաւել դրա համար: Էլ չասենք պաշտօնական շնորհաւորանքների կամ վերաբերմունքի բացակայութեան մասին: Այստեղ հարկ էմ համարում շնորհակալութիւն յայտնել իրանահայ մամուլին, որը հետեւելով իրադարձութեանը, գրանցւած յաջողութեան նկատմամբ վերաբերմունք դրսեւորեց, իհարկէ կատարելով՝ իր լրատւական առաքելութիւնը: Հանած ծախսերի հետ կապւած ծանր խոչընդոտը, պէտք է արձանագրել, որ Պոլտաւայում մենք ընդունուեցինք տեղը տեղին, որը պակսեցրեց մինչ այդմ եղած բոլոր յուզումները, ինչը գուցէ խանգարել կարողանար բեմ դուրս եկող պատանի դերակատարին, այսինքն՝ Ադդէին:*



- Աղդէ, մինչեւ Պոլտաւա մեկնելը

հասցրել ես բեմ դուրս գալ նաեւ Հայաստանի փառատօներում, ինչպէս նաեւ իրանահայ փոքրիկ բեմերի վրայ խաղալ քեզ բաժին հասած դերը: Մակայն Պոլտաւայում ներկայացումը գնաց անզլերէն լեզուով: Ի՞նչ դժարութիւնների հանդիպեցիր այնտեղ: Եւ այն ի՞նչքանով էր տարբերում մեր՝ իրանահայ հանդիսատեսից..

Աղդէ Բեգիջանեան- Ինձ ընդամենը քսան օր ժամանակ կար պատրաստուելու եւ դերը անզլերէնով կատարելու համար: Ամէն բան աւելի դժարացաւ, երբ վրայ հասաւ տարեվերջի քննութիւններն ու պարապմունքների սեղմ ծրագիրը: Ամէն դէպքում հայրիկիս օգնութեամբ սեղմ գրաֆիկով աշխատեցի տեքստի վրայ եւ վերջապէս հասցրի անգիր պատմել ողջ ներկայացումը:

- *Ո՞նց* *ընդունեց* *հանդիսատեսը:*

Ալբերտ Բեգիջանեան- Շատ ջերմ: Մենք դիտել ենք բոլոր խմբերի ներկայացումները: Դա մեզ թոյլ է տալիս ասելու, որ մեր ներկայացումը լաւագոյն կատարումների շարքում էր: Մեր ներկայացման ժամանակ դահլիճում թափուր տեղ չկար: Նոյնիսկ կողք-կողքի կանգնած մարդիկ կային:

Աղդէ- Ինձ համար դա շատ լաւ փորձառութիւն էր: Ներկայացումը խաղում էի անզլերէն լեզուով, իսկ ներկաներն էլ կա՛մ անզլերէն լեզուի ուսանողներն էին կա՛մ էլ անզլերէնին ծանօթ աշակերտութիւն: Այսպէս մեր միջեւ գոյացաւ ինձ անհրաժեշտ այդ հաճելի կապը:

Ալբերտ Բեգիջանեան- Քանի որ ներկայացումն իր ձեւով այնպիսին է, որ պետք է գոյանայ դահլիճ՝ բեմ անմիջական կապն ու յարաբերակցութիւնը, այդ

առումով կարելի է ասել, որ Ադդէին ոչ միայն յաջողւեց յաղթահարել օտար լեզուով հարազատանալու կատարման դժարութիւնը, այլ նաեւ խաղալ բեմը՝ հանդիսատեսին կապող լարերի վրայ...

- *Ինչպիսի մեխանիզմներ պիտի գործեն, որոնցով հնարաւոր դառնայ անկախ խմբերի ներկայութիւնն ապահոված տեսնել այսպիսի փառատօներին:*  
*Ալբերտ-* Վաղուց արդէն անցել ենք կապերի հեշտացման եւ յարաբերութիւնների ժամանակշրջան: Եթէ ժամանակին նախաձեռնող կողմը խմբերի հարցով ստիպւած դիմում էր որեւէ երկրի դեսպանատանը, ապա այսօր հնարաւոր է ուղիղ կապերի միջոցով ուզածդ խմբին, առանց միջնորդների, տեսնել նախագծում: Սա նաեւ հնարաւորութիւն է տալիս ազատ խմբերին կամ նոյնիսկ անհատներին, ովքեր բեմ են փնտրում ասելիքը «խաղարկելու» համար բացել միջազգային բեմերում: Շատ չխորանանք այն ուղղւածութեամբ, որտեղ ամէն բան պարզ է նաեւ ընթերցողին, այսինքն՝ արգելք համարող արտօնագրերի երեւոյթի ուղղութեամբ...

- *Սա նաեւ նշանակում է, որ չկա՞յ պետական բիջէից ֆինանսաւորում կամ օժանդակութիւն...*

*Ալբերտ-* Պատկերացրէք ասելի լաւ է այդպէս լինի քան՝ ստիպւած երկար սպասես, այն էլ անորոշ արդիւնքների հասնելու համար: Այսպէս գոնէ գիտես, որ կամ գտնում ես հովանաւորների, որոնք սատարելու են գոնէ ուղեւորավարձի հարցում, կամ՝ ստիպւած ծախսը վերցնում քեզ վրայ աչքդ բացելով վաստակածդ արդիւնքների կամ անփոխարինելի փորձառութեան վրայ: Սա երեւի այն գինն է, որը պետք է վճարես անկախութիւնը վայելելու համար: Այս մասին գրեթէ բոլոր խմբերը, որոնք փառատօների են մեկնում առանց պետական օղակների հովանաւորութիւնը վայելելու համակարծիք են...

- *Ձե՛ր այսինքն «Խամաճիկ» խմբի դէպքում գուցէ հնարաւոր լինէր հայթայթելու իրանահայ համապատասխան օղակների հովանաւորութիւնը...*

*Ալբերտ-* Փաստը մնում է փաստ, որ մենք Պոլտաւայում Իրանի դրօշը, այդ էլ որպէս իրանահայի, ծածանեցինք մեր ծախսով, վերադարձանք լաւագոյն մրցանակով, մի խօսքով բարձր պահեցինք ե՛ւ խմբի ե՛ւ մեր երկրի պատիւը: Քաւ լիցի, ոչ մէկի երեսով տալու խնդիր չունենք: Իսկ հովանաւոր գտնելու եւ նման հաճոյքի արժանանալու առումով այսքանը՝ որ երբեք ուշ չէ, կարելի է դեռ թիկունք լինել խմբին, չէ որ արդէն մեզանից սպասելիք կայ: Պատրաստում ենք բեմ բարձրացնել բազմաթիւ տիկնիկային նորաճ ներկայացումներ: Այնպէս, որ հովանաւորներ ունենալու մեր բոլոր դռները գտնուում են բաց վիճակում:

- Խուճրք Պոլտաւայի փառատօն ներկայացաւ Շէլ Միլերստայնի՝ «Լաւկադիօ» պատմածքի հիման վրայ պատրաստուած՝ «Մարշալու» ներկայացմամբ, որի թարգմանութիւնն ու ներկայացման համար համադրուելը կատարուել է հէնց ձեր միջոցով: Ներկայացման յայտագրում նշուած էր նաեւ, որ «Մարշալու»-ն հնարաւոր է ներկայացնել երեք՝ հայերէն, անգլերէն եւ պարսկերէն լեզուներով: Ալբերտ- Պատրաստուում ենք ընդլայնել մեր գործունէութիւնը՝ դուրս գալով պարսկական բեմ ու շրջանակ: Այդպէս հնարաւոր կը լինի նաեւ իրականացուած տեսնելու պարսկերէն ներկայացման տարբերակը:

- Խօսենք հայկական շրջանակներում, միութիւններում կամ նոյնիսկ ազատ բեմերում երեւան գալու դժարութիւնների մասին: Ի՞նչն է ամենաշատը ներդրում ձեզ տարածել իրանահայ բեմերում:

- Ես յաճախ Հայաստանից Իրան եկած խմբերի համար փորձում եմ ապահովել նաեւ իրանահայ լսարան: Նման գործընթացի ժամանակ է, որ ի յայտ են գալիս ծագած այնպիսի խնդիրներ, որոնք քեզ ստիպում են հէնց սկզբից մոռանալ միութիւնների հետ համագործակցութեան հարցը: Իսկ միութիւններն այնքան էլ անշահախնդիր չեն նման հարցերում: Դժբախտաբար նրանց այնքան չի յուզում բարձրորակ արւեստ ճաշակելու հարցը ինչքան՝ դրանից գոյացող շահը կը յուզի: Հայաստանից Իրան ժամանած այդ կարգի խմբերը, ունենալով Իրանի պետական օդակների հիւրընկալութեան առիթը, ծախսային առումներով չեն ծանրանում միութիւնների գլխին: Ընդհակառակը, այդ խմբերը ուրախութեամբ հանդէս կը գան մեր բեմերում, եթէ առիթների առումով ընձեռնուած լինի դիրքին վիճակ: Մեր խմբի ներկայացումների կապակցութեամբ էլ այսքանը, որ ամէն անգամ, երբ որեւէ միութեան ենք դիմել՝ նրանց առաջարկածներն ու ունեցած մօտեցումների երեւոյթն է զարմացրել մեզ: Մի փոքրիկ օրինակ նշեմ միայն: Մէկ անգամ մեր ներկայացրած դիմումին ի պատասխան առաջարկեցին՝ իրականացուող տօնավաճառների ժամանակ, այսպէս ասած, մեզ համար անկիւն ունենալ եւ խաղարկել մեր ներկայացումները: Ո՛ր վիրաւորական է՝ հաստատ: Սակայն ես չեմ, որ պիտի խօսի այս մասին: Գուցէ եւ զարմանալի չլինի, քանի որ, երբ նոյն միութեան յարկի տակ աշխատող խմբերի թատերական ներկայացումների ժամանակ, յայտարարում է ընդմիջում եւ մարդիկ գնում են հիւրասիրելու, բնական է, որ նման միջավայրում ներկայացուածը նոյնպէս թատրոն չես համարի: Բա ո՛ր մնաց չորրորդ պատ հասկացութիւնն ու սինթեզող կապը...

- Ապագայ ծրագրերի մասին...  
- Շարժելու ենք խմբի գործունէութեան եւ կազմի ընդլայնման ուղղւածութեամբ: Այս բոլորը, յատկապէս՝ եթէ ունես անկախ խմբի կոչում,


բնական է, որ նայելու է յաւելեալ ծախսերի, սակայն շրջանակը ընդլայնելը արդէն իսկ անհրաժեշտութիւն է թւում...

- Վերադառնանք Պոլտաւա: Նոյն ներկայացումը, եթէ Հայաստանի ԻԻՆԻՄԱ-ից տուն վերադարձաւ առանց ընդգծւած արդիւնքների, ապա Ուկրայինայից տուն բերեց «Հնարամիտ կատարում» դիպլոմ-մրցանակը: Որակական առումով փոփոխութիւն էիք մտցրել գործում: Ալբերտ- Ո՛չ: Հայաստանում մեր ներկայացման մասին մեզ յայտնեցին, որ ժիւրին չի գտնում, թէ թղթատիկնիկներն ու դրանց խաղը կարող է համարել տիկնիկային թատրոն: Այն ինչ սա (թղթից պատրաստւած տիկնիկների խաղը) ճանաչում է, որպէս տիկնիկային թատրոնի ամենաերեւելի ոճերից մէկը: Այնպէս որ, եթէ Հայաստանում նոյնիսկ մրցոյթից էր դուրս դուրել «Մարշմալու»-ն, ապա այն Պոլտաւայում արժանացաւ լաւագոյն մրցանակներից մէկի, այսինքն՝ «Հնարամիտ խաղարկութիւն» դիպլոմի: Ինչեւէ... արւեստը մի գիշերւայ ընթացքում չէ, որ հնարատր է նորոգել մարդկանց գլխում...

Զրուցավար՝ ՀԱՏԻՍ

- ) [«Խամաճիկ» թատերախումբ](#)
- ) [Ալբերտ Բեգիջանեան](#)
- ) [Ադդէ Բեգիջանեան](#)
- ) [«Հայֆեստ»](#)

## Հարակից Նյութեր



- ) [Մեկնարկել է «Հայֆեստ» միջազգային 14-րդ թատերական փառատօնը](#)

ՀՀ Մշակոյթի նախարարութեան աջակցութեամբ, «Հայ դերասանների միութիւն» հասարակական կազմակերպութիւնը ս. թ. հոկտեմբերի 1-8-ը կազմակերպել է «Հայֆեստ» միջազգային 14-րդ թատերական փառատօնը, որը կրում է «Իրականացրու երազանքդ «Հայֆեստի» հետ» խորագիրը:



) [Ալբերտ Բեգջանեանի տիկնիկային ներկայացումը՝ Իրանի «ՄՈՒՍՏԱՔ» փառատօնում](#)

Չեխովի «Շնիկով կինը», որը Ալբերտ Բեգջանեանի ձեռակերպմամբ պատրաստուել է տիկնիկային խաղարկութեան ձեւաչափերին համապատասխան, բեմականացուելու է Իրանի «Մոքարաք» տիկնիկային փառատօնում: Ալբերտ Բեգջանեանը «ԱԼԻՔ»-ին յայտնեց նաեւ, որ «Ճամբրուկն ու փիսօ՝ շնիկը» իր առաջին ռեժիսորական փորձն է Իրանում, որի համար չի թաքցնում իր ուրախութիւնը:



) [Ադդէ եւ Ալբերտ Բեգջանեանները Իրանի որօշք կրելու են Ուկրայինայում](#)

Ուկրայինա մեկնեց իրանահայ «Խամաճիկ» տիկնիկային թատերախումբը: Պոլտաւայում մեկնարկած «Լոդստար» տիկնիկային միջազգային փառատօնին Իրանը ներկայացնող՝ հայկական «Խամաճիկ» թատերախումբը բեմականացնելու է Շէլ Սիլւերստայնի՝ «Լաւկադիօ» պատմուածքի հիման վրայ պատրաստուած «Մարշմալօ» ներկայացումը:



) [Միմոս՝ թելից կախուած երջանկութիւն](#)

Վերջերս Թեհրանում տեղի ունեցած «Մոքարաք» տիկնիկային փառատօնում Հայաստանը ներկայացրած ՄԻՄՈՍ տիկնիկային թատրոնը ներկայացումների մասնակցեց նաեւ թեհրանահայ բալիկների համար: Սա առիթ էր իրանահայ մանուկներին եւս հասանելի



դարձնելու «Մարիոնետ» երեսոյթն իր ֆիզիկա-հոգեբանական բոլոր  
յատկանիշերով:



)

[«Միհր»-ի ներկայացումը՝ «Կոմիտաս»](#)

[սրահում](#)

Հայ մշակութային «Արարատ» կազմակերպութեան Արուեստից  
միութեան նախաձեռնութեամբ, ուրբաթ յունւարի 17-ի երեկոյեան,  
«Արարատ»-ի կենտրոնատեղիի «Կոմիտաս» սրահում բեմական  
ներկայացում ունեցաւ Հայաստանից ժամանած «Միհր»  
թատերախումբը:

Խումբը նոր ոճով ու եղանակով ներկայացրեց՝ «Կոմիտասի 10  
պատուիրանները» եւ «Գոյներ»-ը: